

VIV' NOSS' CURÉ !

A Monsieur l'Abbé Louis VAN ROEY, Révérend Curé des SS. Victor et Léonard, à l'occasion de ses trente-cinq ans de prêtrise et de ses vingt-cinq ans de pastorat au Thier-à-Liége.

Qui fait bin, trouève bin

So l'air du tra-déri-déra...

I

Noss' brav' curé Van Roey
Fiètêye si djubilé
Et l'porotche tote al djôye
Acoûrt pol buskinter.
Li Tiér èst tot binâhe
Dè dire à s'bon bèrdji :
Chaskeun' a l'coûr à l'âhe,
Tot l'monde vis veût volti.

II

I nos v'n'a d'Saint Antône
Volà d'usse vingt-cinq ans,
Là qu'on l'prèz'rév' à s'aune
Et qu'on l'grigète co tant !
Bin dès viles k'nohances
N' l'ont jamay' roûvi...
Qwand il a dandji d'cences
I sèt bin wice bouhi !

III

C'est lès Oûves pol djonnèsse
Qui sogna po k'minci ;
I s'èploya timpèsse
Po mète nos s'coles so pid
C'est si-oûve, ossu mèrite
Qu'on li dèye tot passant :
Si èles sont div'nowes trop p'tites,
C'est à lu qu'nos l'divans !

IV

C'est l'pèle di s'vicàrèye :
Lès s'coles èt lès èfants.
C'li cosse saqwants mèves
Et sès ponnes à l'av'nant.
I r'mouw'reût cir èt tère
Tant qu'i lès âye trové ;
C'est on pau s'caractère
D'avou l'tour dè d'mander .



V

On direût n'âme walone
L'èl'mint qu'a l'coûr so l'main,
On n'f'rè creûre à pèrsone
Qu'i poreût-esse flamind .
I k'noh noss' vi lingadje
Come on tot peûr Lidjwè
Eco bin mi, dii wadje
Qu'amâ pau l'sicirè !

VI

Adon qui l'mâdit boche
"halv' noss' payis,
Saqwants brav's dèl porotche
E catehète si d'vowit.
Si nosse pitite Patrèye
Ritrova s'l'liberté.
Ele prêha pus d'ine fèy'
Lès sièrvices dè curé !

VII

Bèbèrt qui K' noh sès omes
Vint tot d'usse dèl loumer
Chevalier dèl Corone
Po fièsti s' djubilé
Po qu'i seûy' à s' navète
Po traf' ter tot-avâ
Nos d' mandrans-t-à Rabète
Qu'èle li done on l'c dj'vâ !

VIII

Po z'oyi dèl musique
I courènt dès èures lon.
I l'inme bin l'dramatique
Qwand èle djowe noss' walon.
C'est ine clapante fortechète
Qui r'kwire li bon tokè...
Louquiz, vola qu'i glète
Rin qu'dè pârler d'fins mèts !

IX

Si-on l'noumév' Cardinâl
I n'sèreût nin contint.
Il inme mi sès san'dâles
Qui lès cisses di s'cuzin !
Nos l'louquans come on père
Qui n'vique qui no noss' bin :
Li djoû qu'i qvitrè l'Tiér...
C'est qu'i n'è pòrè rin !

X

Qwand i monte èl pèrlâdje
Et qu'a baicôp dès djins.
C'est d'bon coûr qu'i s'astâdje
En'n'è finireût nin !
Ine fèy' qu'i veût qu'l'èglise
Si rimplie à sohait...
I prêch'reût tote ine size
Tant qu'avahe li rôkai !

XI

Dji veûs l'côn qui m'paskèye
Mi monrè tél'mint lon
Qui torate, l'assimblèye
Brairè : c'est dèdià bon !
Divant d'y mète ahote
Lèyiz-m'co repèter
Mâgré totes mès atotes :
Viv' noss' vayant curé !

Avril 1928.

Gérard DEBRAZ.